

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ
ՔՐԵԱԿԱՏԱՐՈՂԱԿԱՆ ՀԻՄՆԱՐԿՆԵՐՈՒՄ ԵՎ ՄԱՐՄԻՆՆԵՐՈՒՄ
ՀԱՍԱՐԱԿԱԿԱՆ ՎԵՐԱՀՄԿՈՂՈՒԹՅՈՒՆ ԻՐԱԿԱՆԱՑՆՈՂ
ՀԱՍԱՐԱԿԱԿԱՆ ԴԻՏՈՐԴՆԵՐԻ ԽՈՒՄԲ

GROUP OF PUBLIC MONITORS IMPLEMENTING SUPERVISION
OVER THE CRIMINAL-EXECUTIVE INSTITUTIONS AND BODIES
OF THE MINISTRY OF JUSTICE OF RA

N 10-21
18.09.2010թ.

ՀՀ Արդարադատության նախարար
պարոն Գ. Դանիելյանին

Հրատապ հաշվետվություն

Հասարակական դիտորդների խմբի անդամներ Միքայել Արամյանը և Արման Դանիելյանը 17.09.2010թ. ժամը 21:45–ի սահմաններում այցելել են «Կոշ» ՔԿՀ և փորձել մուտք գործել հիմնարկ համաձայն Արդարադատության նախարարի 2005թ. նոյեմբերի 18–ի թիվ ՔՀ-66-Ն հրամանով հաստատված հասարակական դիտորդների խմբի կարգի 11 կետի պահանջների (11. Խմբի անդամները իրավասու են անարգել այցելել քրեակատարողական հիմնարկներ): Այդուամենայնիվ Պատասխանատու հերթապահի ժամանակավոր պաշտոնակատար Արարատ Մարտիրոսյանը Խմբի անդամներին թույլ չտվեց մուտք գործել հիմնարկ, խնդրելով սպասել, մինչև նա հեռախոսով հիմնարկի պետից համապատասխան թույլտվություն ստանա: Մեկ ժամ սպասելուց հետո Ա. Մարտիրոսյանը հայտնեց, որ հիմնարկի պետի հետ կապվել չի հաջողվում և այդ պատճառով նա չի կարող թույլ տալ Խմբի անդամների մուտքը հիմնարկ: Մեր կողմից Պատասխանատու հերթապահի ժամանակավոր պաշտոնակատարին ներկայացվել են Խմբի կարգի դրույթները և նա զգուշացվել է, որ խախտում է օրենսդրությունը, սակայն նա իր որոշումը չփոխեց: Ավելին, մերժվել է նաև մեր խնդրանքը, մեր ներկայությամբ փորձել կապվել հիմնարկի պետի հետ կամ նրա տեղակալներից մեկի հետ, ինչը որոշակի կասկածներ է առաջացնում:

Հասարակական դիտորդների խումբը գտնում է, որ «Կոշ» ՔԿՀ աշխատակիցները խախտել են Արդարադատության նախարարի 2005թ. նոյեմբերի 18–ի թիվ ՔՀ-66-Ն հրամանով հաստատված «Հայաստանի Հանրապետության արդարադատության նախարարության քրեակատարողական հիմնարկներում և մարմիններում հասարակական վերահսկողության իրականացման կարգը», ինչով խոչընդոտել են Խմբի աշխատանքները:

Խնդրում են անցկացնել համապատասխան միջոցառումներ միջադեպի բոլոր մեղավորներին պատասխանատվության ենթարկելու համար:

Հետագայում նմանատիպ դեպքերը բացառելու նպատակով Հասարակական
դիտորդների խումբը առաջարկում է համապատասխան միջոցառումներ իրականացնել
ՔԿՀ-ների աշխատակիցների օրենսդրության իմացությունը և հիմնարկների
կառավարումը բարելավելու ուղղությամբ:

Հարգանքով,

Արման Դանիելյան
ՀՀ ԱՆ ՔԿՀ հասարակական
դիտորդների խմբի նախագահ